

BOSNA I HERCEGOVINA  
FEDERACIJA BOSNE I HERCEGOVINE  
KANTON SARAJEVO  
OPĆINA TRNOVO  
JU OSNOVNA ŠKOLA "ZAIM KOLAR" DEJČIĆI

Broj: 01-2-316/20

Datum: 31.08.2020. godine

*Shodni naredbi Kriznog štaba Federalnog ministarstva zdravstva broj: 01-33-3510/2 od 12.06.2020. godine, uprava JU Osnovne škole „Zaim Kolar“ Dejčići donosi sljedeći*

## **P L A N**

### **O UPRAVLJANJU RADNIM PROCESIMA U KRIZNIM SITUACIJAMA**

Plan koji se donosi odnosi se na kriznu situaciju vezanu za **COVID19**, te za slučaj sličnih kriznih situacija.

#### **POSTUPATI SHODNO NAREDBAMA ZDRAVSTVENIH ORGANA I KRIZNOG ŠTABA**

- Uvesti obavezno distanciranje između radnika ukoliko je zaista neophodno da budu u prostoru škole
- Donijeti druge odluke koje Krizni štab donese na nivou FBiH
- Redovno pratiti i pridržati se odluke Kriznog štaba CZ
- Tim za praćenje implementacije kriznog plana, svakodnevno upoznavati direktoricu ili pomoćnicu direktorice o provođenju mjera

#### **Zdravstvene mjere**

Virus se širi sa osobe na osobu kada inficirana osoba kašlje, kiše i kada svojim rukama dira druge stvari koje i drugi koriste. Sljedeće stvari je korisno uraditi kako bi zaštitili sebe i druge:

- Često perite ruke toplom vodom i sapunom najmanje 20 sekundi. Uvijek to uradite nakon kašljanja i kihanja;
- Ruke perite čim uđete u kuću ili dođete na posao;
- Često perite površine koje često dodirujete;
- Kašljite i kišite u svoj lakat, a ne u dlan;
- Ne dodirujte svoje lice neopranim rukama;
- Ostanite kući ako ste bolesni i imate simptome gripe;
- Naučite se osnovnim principima njege kod kuće u slučaju bolesti;
- Koristite zaštitne maske kako bi smanjili mogućnost širenja zaraze na druge;
- Koristite jednokratne maske, maramice i rukavice;
- Držite distancu od drugih ljudi min 1,5m

#### **Šta trebaju uraditi osobe koje imaju simptome?**

Ako se osoba osjeća bolesno sa simptomima dok je na poslu, veoma je važno da ista ne nastavlja posao. Simptomi se moraju odmah prijaviti nadležnoj osobi ili upravi škole i osoba mora odmah napustiti prostor škole.

Zaražena osoba treba da kontaktira nadležni dom zdravlja kako bi prijavila simptome tj. da postupi prema smjernicama koje su propisane od strane nadležnih tijela u slučaju pandemije. Ukoliko osoba razvije simptome dok nije na poslu, treba postupiti na sljedeći način:

- Ostati kući- izolovati se;
- Ne ići na posao dok se potpuno ne oporavi;
- Kontaktirati nadležni dom zdravlja;
- Informisati svog poslodavca o svom stanju;
- Informisati poslodavca ukoliko je neko od uposlenika bio u kontaktu sa zaraženom osobom.

## **ZDRAVSTVENE- EPIDEMIOLOŠKE SMJERNICE U OKVIRU ORGANIZACIJE RADA ŠKOLE**

- U slučaju da roditelji prijave da je porodica/učenik imala kontakt sa inficiranom osobom, učenik se preventivno upućuje na pohađanje online nastave u trajanju od 15 dana.
- Ukoliko učenik razvije bilo koji od simptoma **COVID-19 ili sezonske gripe** u školi, učenik se izoluje u posebnu prostoriju, nastavnik kontaktira druge ovlašteno lice škole ( pedagog, sekretar, direktor, zamjenik direktora, stručni saradnik) da pozove roditelje/ staratelje učenika/ice da odmah dođu po učenike u školu i obrate se nadležnom ljekaru. Dok ovlašteno lice škole kontaktira roditelje i dok roditelji ne preuzmu učenike, za učenike se obezbjeđuje briga u školi.
- Ukoliko dođe do potvrde infekcije **COVID-19** kod učenika ili nastavnika odjeljenje preventivno odmah prelazi na online sistem nastave ( u skladu sa Metodologijom online nastave) u narednih 15 dana.

## **MJERE KOJE PROVODI POSLODAVAC UPRAVLJANJE KRIZNIM SITUACIJAMA**

Primarna akcija treba da se odnosi na važnost brzog djelovanja i samoizolacije osobe sa simptomima. Kada samoizolacija kao takva nije odmah izvodljiva, zaražene osobe trebaju biti u mogućnosti da sprovede maksimalno gore navedene higijenske principe, nose zaštitnu odjeću, izbjegavaju bliske kontakte sa drugim kolegama.

### **Poslodavac/tim treba da osigura sljedeće:**

- Označiti prostorije sa informacijama da osobe sa simptomima ne smiju da ulaze u radni prostor gdje su druge kolege;
- Posjećivati radnike na prepoznavanje znakova simptoma bolesti, min 2x sedmično;
- Podsjećivati na važnost samoizolacije;
- Podsjećati na važnost dobre higijenske prakse;
- Površine koje se često dodiruju se često moraju prati sa sredstvima koja se inače koriste za pranja;

- Gdje je moguće, postaviti dezinfekcione barijere na frekventnim mjestima, na ulazima u prostorije;
- Onemogućiti ulaz posjetiteljima;
- Unaprijed pojačati proces čišćenja i održavanja prostorija i opreme;
- Omogućiti dovoljno prostora/razmaka među uposlenicima;
- Na pauzama poštovati pravilo propisanje distance

**Revidirati postojeće procedure i upustva koji se tiču:**

- higijene uposlenih;
- higijene i održavanje prostorija i opreme

Od velike važnosti osigurati kontinuiranu dostupnost higijenskih sredstava za osoblje (sapuni, jednokratni ubrusi, maske, rukavice) te odgovarajuće dezificijense.

Kroz internu ili eksternu edukaciju važno je osoblju skrenuti pažnju kako se pravilno peru ruke i kako se pravilno dezinficiraju.

**Organizacijski je potrebno uraditi sljedeće:**

- Kontinuirano komunicirati i raditi na svijesti uposlenih o simptomima i važnosti samoizolacije;
- Promovisati atmosferu takvu da se oboljela osoba ne osjeća stigmatizirano te da mogu ići kući dok se ne oporave;
- Razmotriti alternativne metode održavanja sastanaka (online, telefonski), te rad od kuće;
- Gdje je moguće, direktni kontakti se trebaju izbjegavati tj treba se držati distanca od najmanje 1.5m između kolega, osoblja, posjetitelja i sl;
- Tamo gdje su socijalne interakcije neizbježne, osobe sa simptomima trebaju nositi zaštitne maske;
- Ukoliko se neko od usposlenika vraća sa puta iz zemalja visokog rizika, obavezna je samoizolacija tokom 14 dana.

Ukoliko se desi promjena u nastaloj kriznoj situaciji, Uprava će prolagoditi mjere.

U Dečićima, 31.8.2020. godine

**Direktor škole**

---

**Adis Hodžić, s.r.**